



Na osnovu člana 32. Zakona o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj: 52/22 i 58/24), člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14- Prečišćeni tekst, 38/16, 44/17, 28/18, 52/21 i 40/22) i tačke III. 3. Programa obilježavanja „Dječije nedjelje” u Federaciji Bosne i Hercegovine za 2024. godinu broj 05-11/12-2102/24 od 23.08.2024. godine, ministrica za rad, socijalnu politiku, raseljena lica i izbjeglice Kantona Sarajevo, donosi

ODLUKU **o obilježavanju "Dječije nedjelje" u Kantonu Sarajevo za 2024. godinu**

Član 1. **(Osnovna odredba)**

Ovom odlukom se preciznije uređuje obilježavanje "Dječije nedjelje" u Kantonu Sarajevo za 2024. godinu (u daljem tekstu: „Dječija nedjelja“), termin održavanja, sadržaj i slogan "Dječije nedjelje", raspisivanje i sadržaj javnog poziva, pravo učešća po javnom pozivu, kriteriji za ocjenu prijava, donošenje Programa obilježavanja "Dječije nedjelje", kao i iznos finansijskih sredstava koja su planirana za realizaciju "Dječije nedjelje", te druga pitanja značajna za provođenje javnog poziva i realizaciju "Dječije nedjelje".

Član 2. **(Termin održavanja i slogan)**

- (1) "Dječija nedjelja" se realizuje u cilju podrške djeci na području Kantona Sarajevo, a provoditi će se u periodu od 07. do 13. oktobra 2024. godine.
- (2) Slogan "Dječije nedjelje" je: "Sretan možeš biti svijete, samo ako je zdravo i sretno dijete".
- (3) Obilježavanje "Dječije nedjelje" će započeti svečanim obraćanjem ministrice za rad, socijalnu politiku, raseljena lica i izbjeglica Kantona Sarajevo (u daljem tekstu: ministrica) putem nadležne Službe za protokol i press Kantona Sarajevo.

Član 3. **(Javni poziv)**

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) objavit će Javni poziv za dodjelu finansijske podrške djeci oboljeloj od malignih bolesti u okviru obilježavanja "Dječije nedjelje" u Kantonu Sarajevo za 2024. godinu (u



daljem tekstu: Javni poziv) na web stranici www.mrsri.ks.gov.ba i u najmanje jednim dnevnim novinama koje se distribuiraju na području Bosne i Hercegovine.

Član 4. (Učešće)

- (1) Na javni poziv iz člana 3. ove odluke pravo prijave imaju roditelji, staratelji ili usvojitelji djece koja boluju od maligne bolesti starosti do 18. godina, odnosno punoljetne djece koja boluju od maligne bolesti starosti do 26. godina života ukoliko su na redovnom školovanju, a imaju prebivalište na području Kantona Sarajevo.
- (2) Djeci iz stava (1) ovog člana dodijeliti će se finansijska podrška.

Član 5. (Kriteriji za finansijsku podršku)

Kriteriji za dobijanje finansijske podrške su:

- a) da dijete starosti do 18. godina boluje od maligne bolesti, odnosno da punoljetno dijete starosti do 26. godina života boluje od maligne bolesti ukoliko je na redovnom školovanju i
- b) da podnosilac zahtjeva ima prebivalište na području Kantona Sarajevo najmanje godinu dana neposredno prije podnošenja prijave na Javni poziv.

Član 6. (Dostava prijava)

- (1) Prijave sa dokazima o ispunjavanju kriterija iz člana 5. ove odluke Ministarstvu dostavljati će roditelj, staratelj ili usvojitelj na adresu Ministarstva: ulica Reisa Džemaludina Čauševića broj 1., lično ili putem pošte.
- (2) Uz prijavu na Javni poziv dostavlja se:
 - a) medicinska dokumentacija kojom se dokazuje da dijete boluje od maligne bolesti (original ili ovjerena kopija),
 - b) CIPS-ova prijava prebivališta za dijete (original ili ovjerena kopija ne starija od 3 mjeseca),
 - c) izvod iz matične knjige rođenih djeteta (original ili ovjerena kopija ne starija od 3 mjeseca),
 - d) uvjerenje o kretanju za podnosioca prijave (original ili ovjerena kopija ne starija od 3 mjeseca),
 - e) dokaz o starateljstvu ili usvojenju djeteta (original ili ovjerena kopija ne starija od 3 mjeseca),
 - f) kopija bankovnog računa roditelja, staratelja ili usvojitelja djeteta (original ili ovjerena kopija ne starija od 3 mjeseca) i
 - g) dokaz o redovnom školovanju za djecu od starosti od 18. do 26. godine života djece koja boluju od maligne bolesti (original ili ovjerena kopija ne starija od 3 mjeseca).
- (3) Ministarstvo će izvršiti uplatu finansijske podrške djetetu koje boluje od maligne bolesti na bankovni račun roditelja, staratelja ili usvojitelja.

Član 7. (Sastav i poslovi Komisije)

- (1) Za provođenje postupka za obilježavanje "Dječije nedjelje", ministrica rješenjem imenuje



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/5

Komisiju za provođenje Javnog poziva za dodjelu finansijske podrške djeci oboljeloj od malignih bolesti u okviru obilježavanja "Dječije nedjelje" u Kantonu Sarajevo za 2024. godinu (u daljem tekstu: Komisija) koja se sastoji od 5 (pet) članova.

(2) Komisija će u roku određenom rješenjem, obaviti slijedeće poslove:

- a) donijeti poslovnik o radu,
- b) razmotriti da li je prijava dostavljena u skladu sa uslovima propisanim u Javnom pozivu,
- c) izvršiti ocjenu prijave u smislu ispunjavanja kriterija za učešće,
- d) sačiniti Prijedlog liste aplikanata koji ispunjavaju kriterije, sa prijedlogom pojedinačnih iznosa finansijskih sredstava za dodjelu, sa obrazloženjem, te istu dostaviti ministrici radi donošenja Konačne liste aplikanata koji ispunjavaju kriterije,
- e) sačiniti Prijedlog liste aplikanata čije prijave ne ispunjavaju kriterije za učešće, sa obrazloženjem i istu dostaviti ministrici,
- f) Komisija će aplikantima sa liste iz tač. e) dostaviti pisane obavijesti sa navođenjem razloga zbog čega prijave nisu prihvaćene,
- g) na osnovu Konačne liste aplikanata koji ispunjavaju kriterije izraditi prijedloge pojedinačnih odluka o dodjeli finansijske podrške i iste dostaviti ministrici.

Član 8.

(Sadržaj odluke o dodjeli sredstava)

Na prijedlog Komisije, ministrica donosi pojedinačne odluke o dodjeli budžetskih sredstava, a u skladu sa odredbama Zakona o izvršenju budžeta Kantona Sarajevo za 2024. godinu.

Član 9.

(Ugovor o dodjeli budžetskih sredstava)

Način doznačavanja sredstava, međusobna prava i obaveze i drugi bitni elementi za realizaciju budžetskih sredstava po Javnom pozivu regulišu se ugovorom između ministarstva i korisnika sredstava.

Član 10.

(Pravdanje utroška)

Roditelj, staratelj ili usvojitelj je dužan da finansijsku podršku namjenski utroši za potrebe ove djece, te da do 31. januara 2025. godine Ministarstvu dostavi Izvještaj o utrošku ovih novčanih sredstava.

Član 11.

(Rok za podnošenje prijave)

- (1) Krajnji rok za podnošenje prijave će se odrediti u Javnom pozivu.
- (2) Prijave koje budu dostavljene nakon datuma naznačenog u Javnom pozivu, neće biti uzete u razmatranje.

Član 12.

(Prigovor)

- (1) Podnosiocima prijave po Javnom pozivu dopušta se izjavljivanje prigovora.
- (2) Prigovor se podnosi ministrici u roku od 3 (tri) dana od dana prijema obavijesti.
- (3) Prigovor ne odlaže izvršenje odluke.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

3/5

Član 13.
(Način raspodjele budžetskih sredstava)

Raspodjela budžetskih sredstava vršiti će se u skladu sa Zakonom o izvršavanju Budžeta Kantona Sarajevo za 2024. godinu („Službene novine Kantona Sarajevo“ broj 55/23), Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu („Službene novine Kantona Sarajevo“ broj 13/24) i Javnim pozivom.

Član 14.
(Način dodjele budžetskih sredstava)

- (1) U okviru obilježavanja "Dječije nedjelje" ministrica na osnovu prijedloga komisije iz člana 7. ove odluke može donijeti odluku kojom će se dodijeliti sredstva iz Budžeta bez objave javnog poziva:
 - a) udruženjima, fondacijama, ustanovama i drugim pravnim licima koja se bave zaštitom i brigom o djeci i njihovim porodicama, odnosno neprofitnim organizacijama koje su na osnovu posebnog zakona navedeni kao provodioci određene aktivnosti,
 - b) porodicama sa djecom u stanju socijalne potrebe, sa ciljem poboljšanja njihovog socijalnog i drugog statusa.
- (2) U slučajevima iz stava (1) ovog člana kada se sredstva dodjeljuju bez objavljivanja javnog poziva, Ministarstvo je obavezno poštovati minimalne standarde finansiranja i sufinansiranja vezane uz planiranje budžetskih sredstava.

Član 15.
(Novčana sredstva za obilježavanje "Dječije nedjelje")

- (1) U Budžetu Kantona Sarajevo u razdjelu Ministarstva, na poziciji NAM 002 - Zaštita porodice sa djecom planirana su sredstva za obilježavanje "Dječije nedjelje" i u 2024. godini ista iznose 49.380,00 KM (slovima: četrdeset devet hiljada tri stotine i osamdeset KM).
- (2) Sredstva za obilježavanje "Dječije nedjelje" prikupljaju se u skladu sa Uputstvom o načinu uplate prihoda po osnovu "Dječije nedjelje" ("Službene novine Kantona Sarajevo" br. 6/14 i 38/19).
- (3) Raspodjela sredstava za obilježavanje "Dječije nedjelje" se vrši u skladu sa prikupljenim i raspoloživim finansijskim sredstvima na poziciji iz stava (1) ovog člana.

Član 16.
(Objava rezultata Javnog poziva)

Rezultati Javnog poziva objavit će se na internet stranici Ministarstva www.mrsri.ks.gov.ba i putem Registra transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo.

Član 17.
(Program obilježavanja "Dječije nedjelje")

Ministrica donosi Program obilježavanja „Dječije nedjelje“ u Kantonu Sarajevo za 2024. godinu, a koji je usklađen sa Programom obilježavanja „Dječije nedjelje“ u Federaciji Bosne i Hercegovine za 2024. godinu.



Član 18.
(Stupanje na snagu Odluke)

Ova odluka stupa na snagu danom donošenja i objavit će se u “Službenim novinama Kantona Sarajevo”.

Broj: 13-03/1-31-42025/24
Sarajevo, 13.09.2024. godine



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

5/5

